

Bosna i Hercegovina
Federacija Bosna i Hercegovina
TUZLANSKI KANTON
Ministarstvo prostornog
uređenja i zaštite okolice

Broj: 12-04/1-23-30/08
Tuzla, 28.02.2008. godine



»SPREČA« D.D.
JAVNO PREDUZEĆE ZA VODOPRIVREDNU DJELATNOST

Primljeno	29-02-2008			
Org. jed.	61	290/08		

Ministarstvo prostornog uređenja i zaštite okolice Tuzla, rješavajući po zahtjevu **JP za vodoprivrednu djelatnost "Spreča" d.d. Tuzla**, na osnovu člana 30. Zakona o građenju ("Službene novine Tuzlanskog kantona" broj: 3/05), člana 9. Zakona o Ministarstvima i drugim organima uprave Tuzlanskog kantona ("Službene novine Tuzlanskog kantona" broj: 17/00) i člana 200. stav 1. Zakona o upravnom postupku ("Službene novine FBiH" broj: 2/98 i 48/99) **donosi**:

RJEŠENJE

o odobrenju za građenje

1. Daje se odobrenje za građenje – izvođenje radova na sanaciji objekta brane "Modrac", na zemljištu označenom po novom premjeru kao k.č. 1823/1, k.o. 74-Prokosovići, općina Lukavac, što po starom premjeru odgovara parceli k.č. 653/1 k.o. Puračić, općina Lukavac, investitoru JP za vodoprivrednu djelatnost "Spreča" d.d. Tuzla.

2. Sve radove izvesti u skladu sa uslovima datim u Rješenju o urbanističkoj saglasnosti broj: 12-04/04-23-568/06, od 09.10.2007. godine, izdato od ovog Ministarstva i prema Glavnom projektu sanacije brane Modrac, urađen od strane "ENERGOINVEST – SEKTOR HIGRA" d.d. Sarajevo, koji se sastoji od 4 knjige:

Knjiga 1: Proračun, urađena avgusta 2003. godine,

Knjiga 2: Planovi oplata, urađena avgusta 2003. godine,

Knjiga 3: Planovi armature, urađena decembra 2005. godine,

Knjiga 4: Projekat tehničkog osmatranja brane Modrac, za sanirano stanje, urađena maja 2006. godine,

kao i prema uslovima datim u Rješenju o vodoprivrednoj saglasnosti za izvođenje radova na sanaciji objekta brane Modrac broj: 04/1-13-25-9900/07, od 29.10.2007. godine, izdato od Ministarstva poljoprivrede, šumarstva i vodoprivrede Tuzlanskog kantona i Stručnom mišljenju o geološkim karakteristikama terena i opštim geološkim uslovima izvođenja planirane sanacije brane Modrac, urađen maja 2007. godine od strane "EARTH" d.o.o. Tuzla.

3. Investitor je dužan prijaviti početak građenja ovom Ministarstvu, najkasnije osam dana prije početka građenja.

4. Nadzor nad izvođenjem radova na izgradnji objekta je obavezan. U ime investitora nadzor će vršiti pravna ili fizička osoba registrovana za obavljanje poslova nadzora. Akt o imenovanju nadzornog tima dostaviti ovom Ministarstvu.

5. Po završetku svih radova investitor je dužan da ovom Ministarstvu podnese zahtjev za vršenje tehničkog pregleda izvedenih radova i izdavanje upotrebne dozvole.

6. Investitor i izvođač radova dužni su se pridržavati svih ostalih obaveza koje proizilaze iz Zakona o prostornom uređenju i Zakona o građenju, kao i drugih propisa koji regulišu izgradnju ovakvih objekata.

7. Odobrenje za građenje prestaje da važi ako se u roku od jedne godine od dana pravosnažnosti odobrenja ne započne sa izvođenjem radova.

Važenje odobrenja za građenje može se iz opravdanih razloga produžiti za još jednu godinu ako se nisu promijenili uslovi na osnovu kojih je izdato odobrenje.

O b r a z l o ž e n j e

JP za vodoprivrednu djelatnost "Spreča" d.d. Tuzla, obratilo se ovom Ministarstvu sa zahtjevom za izdavanje odobrenja za građenje - izvođenje radova na sanaciji objekta brane "Modrac", na zemljištu označenom po novom premjeru kao k.č. 1823/1, k.o. 74-Prokosovići, općina Lukavac, što po starom premjeru odgovara parceli k.č. 653/1 k.o. Puračić, općina Lukavac.

Uz zahtjev je priložena slijedeća dokumentacija :

- Rješenje o urbanističkoj saglasnosti broj: 12-04/04-23-568/06, od 09.10.2007. godine, izdato od ovog Ministarstva,
- Podaci o parceli: Posjedovni list broj 192 k.o. 74-Prokosovići, identifikacija parcela novog i starog premjera, od 18.10.2007. godine, Zemljišnoknjižni izvadak za predmetnu parcelu, J-I od 18.10.2007. godine, izdat od Općinskog suda Tuzla,
- Ugovor o koncesiji za korištenje vode hidroakumulacije "Modrac", zaključen dana 30.03.2006. godine, potpisan od strane Ministarstva poljoprivrede, šumarstva i vodoprivrede Tuzlanskog kantona i JP za vodoprivrednu djelatnost "Spreča" d.d. Tuzla,
- Odluka o proglašenju akumulacije "Modrac" dobrom u općoj upotrebi ("Službene novine Tuzlanskog kantona", broj: 09/03)
- Tehnička dokumentacija: Glavni projekat sanacije brane Modrac, urađen od strane "ENERGOINVEST – SEKTOR HIGRA" d.d. Sarajevo, koji se sastoji od 4 knjige:
 - Knjiga 1: Proračun, urađena avgusta 2003. godine,
 - Knjiga 2: Planovi oplata, urađena avgusta 2003. godine,
 - Knjiga 3: Planovi armature, urađena decembra 2005. godine,
 - Knjiga 4: Projekat tehničkog osmatranja brane Modrac, za sanirano stanje, urađena maja 2006. godine,
- Zapisnik Komisije za reviziju izrađene projektne dokumentacije tehničkog osmatranja brane "Modrac" za sanirano stanje, broj: 01-562/06, od 25.05.2006. godine,
- Konačan izvještaj o raspravi (reviziji) projektne dokumentacije Glavni projekat sanacije brane Modrac, broj: 01-380/06, od 12.04.2006. godine,
- Rješenje o vodorivrednoj saglasnosti za izvođenje radova na sanaciji objekta brane Modrac broj: 04/1-13-25-9900/07, od 29.10.2007. godine, izdato od Ministarstva poljoprivrede, šumarstva i vodoprivrede TK,
- Stručno mišljenje o geološkim karakteristikama terena i opštim geološkim uslovima izvođenja planirane sanacije brane Modrac, urađen maja 2007. godine od strane "EARTH" d.o.o. Tuzla.

Razmatrajući podneseni zahtjev izvršen je uvid u naprijed navedenu dokumentaciju i utvrđeno da su ispunjeni uslovi za izdavanje odobrenja za građenje - izvođenje radova na sanaciji objekta brane "Modrac", na zemljištu označenom po novom premjeru kao k.č. 1823/1, k.o. 74-Prokosovići, općina Lukava, te je shodno odredbama člana 35. Zakona o građenju ("Službene novine Tuzlanskog kantona" broj: 3/05) doneseno rješenje kao u dispozitivu.

Podnosilac zahtjeva je izvršio uplatu takse za rješavanje zahtjeva u iznosu od 5.595,88 KM prema Zakonu o kantonalnim administrativnim taksama i tarifi kantonalnih administrativnih taksi ("Službene novine Tuzlanskog kantona" broj: 12/97, 14/02, i 7/03).

Pouka o pravnom lijeku:

Protiv ovog Rješenja dopuštena je žalba Vladi Kantona – Komisiji za drugostepeno upravno rješavanje u roku od 15 dana od dana prijema istog. Žalba se predaje putem ovog organa, a taksira se sa 10 (deset) KM administrativne takse, na račun broj: 1321000256000080, vrsta prihoda 722121, primalac Budžet TK.



DOSTAVITI:

- JP za vodoprivrednu djelatnost "Spreča" d.d. Tuzla
Aleja Alije Izetbegovića 29/VII, Tuzla
- Ministarstvu poljoprivrede, šumarstva i vodoprivrede Tuzlanskog kantona,
- Evidenciji,
- Arhivi.

NAPOMENA:

Uz zahtjev za izdavanje upotrebne dozvole potrebno je priložiti:

- Kopiju rješenja o odobrenju za građenje,
- Vodoprivrednu dozvolu, izdatu od Ministarstva poljopr., šum. i vodopr. TK,
- Pisanu izjavu izvođača o izvedenim radovima i uslovima korištenja građevine,
- Pisani izvještaj nadzora nad građenjem, shodno članu 20. Zakona o građenju ("Sl. novine TK" broj: 3/05)